

სსიპ აბრეშუმის სახელმწიფო მუზეუმი (შემდგომში "შემსყიდველი ორგანიზაცია") "სახელმწიფო შესყიდვების შესახებ" საქართველოს კანონის საფუძველზე და შპს „პრინტარეა“, (ს/კ 404 384 395) (შემდგომში "მიმწოდებელი") გამარტივებული შესყიდვის საშუალებით ვაფორმებთ სახელმწიფო შესყიდვის შესახებ ხელშეკრულებას შემდეგზე:

**1. ხელშეკრულების საგანი**

ხელშეკრულების საგანია ბეჭდვა და მასთან დაკავშირებული (CPV კოდი 79800000) (კალენდარი) მომსახურება „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის შესაბამისად.

**2. ხელშეკრულების ღირებულება**

2.1. მისაწოდებელი საქონლის (გასაწევი მომსახურების) საერთო ღირებულება შეადგენს 45.00 (ორმოცდახუთი) ლარს საქართველოს კანონმდებლობით დადგენილი შესაბამისი გადასახადების გათვალისწინებით.

2.2 საქონელი მიწოდებული (მომსახურება გაწეული) იქნება მისამართზე: ქ. თბილისი, 0112, გ. ცაბაძის ქ. # 6.

**3. მხარეთა უფლება-მოვალეობანი**

3.1. მიმწოდებელი ვალდებულია შემსყიდველი ორგანიზაციის მოთხოვნიდან არაუგვიანეს 10 (ათი) დღისა განახორციელოს საქონლის მიწოდება (მომსახურება). იგი პასუხისმგებელია მიწოდებული საქონლის (გაწეული მომსახურების) ხარისხზე, ვარგისიანობასა და დროულობაზე.

3.2. შემსყიდველი ორგანიზაცია ვალდებულია სრულად აუნაზღაუროს მიმწოდებელს შესყიდული საქონლის (გაწეული მომსახურების) ღირებულება, მიმწოდებლის მიერ ამ ხელშეკრულებით ნაკისრი ვალდებულების სრულად და ჯეროვნად შესრულების შემთხვევაში.

3.3. შემსყიდველი ორგანიზაცია არ აგებს პასუხს მიმწოდებლის მიერ მესამე პირის მიმართ მიყენებულ ზიანზე.

3.4. შემსყიდველი ორგანიზაცია არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე და პირიქით, მიმწოდებელი არ აგებს პასუხს შემსყიდველი ორგანიზაციის მიერ მესამე პირის მიმართ ნაკისრ ვალდებულებებზე.

**4. საქონლის (მომსახურების) მიღება-ჩაბარების წესი**

საქონელი მიწოდებულად (მომსახურება გაწეულად) ჩაითვლება შესაბამისი მიღება-ჩაბარების აქტის გაფორმების შემდეგ.

4.1 მიღება-ჩაბარება ფორმდება შესაბამისი უფლებამოსილი პირის მიერ ინსპექტირების დადებითი დასკვნისა და მიმწოდებლის მიერ წარდგენილი შესაბამისი დოკუმენტაციის საფუძველზე.

**5. ხელშეკრულების შესრულების კონტროლი**

მიმწოდებლის მიერ ამ ხელშეკრულებისა და მასთან დაკავშირებული დოკუმენტების პირობების შესრულებაზე კონტროლს ახორციელებს კომპეტენტური მაკონტროლებელი ორგანოს ბრძანების საფუძველზე შექმნილი ინსპექტირების ჯგუფი.

## **6. მიწოდებული საქონლის (გაწეული მომსახურების) ხარისხი და გარანტია**

მიმწოდებელი იძლევა გარანტიას, რომ მის მიერ მიწოდებული საქონელი (გაწეული მომსახურება) არ იქნება დაზიანებული (არ გამოავლენს ხარვეზებს) და იქნება მოხმარებისთვის ვარგისი (შესრულებულ იქნება მაღალხარისხიანად), წინააღმდეგ შემთხვევაში იგი ვალდებულია დამატებითი ანაზღაურების გარეშე (საკუთარი სახსრებით) უზრუნველყოს დაზიანებული და უვარგისი საქონლის შეცვლა (გამოვლენილი ხარვეზის აღმოფხვრა) ---5--- დღეში და შემსყიდველს მიაწოდოს მოტივირებული წერილობითი პასუხი.

## **7. ანგარიშსწორება და ფასები**

7.1 ანგარიშსწორება ხორციელდება ლარებში, ერთჯერადად შესაბამისი მიღება-ჩაბარების აქტის გაფორმებიდან 10 (ათი) საბანკო დღის განმავლობაში.

7.2. ანგარიშსწორება ხორციელდება უნაღდო ანგარიშსწორებით.

7.3. ანგარიშსწორების საფუძველი არის მიღება-ჩაბარების აქტი.

7.4 ამ ხელშეკრულების მე-2 პუნქტში დაფიქსირებული შესასყიდი საქონლის (გასაწევი მომსახურების) ფასი წარმოადგენს ხელშეკრულების ღირებულებით პარამეტრს, რომლის შეცვლა დასაშვებია საქონლის საცალო ფასის (გასაწევი მომსახურების განსაზღვრული ფასის) გაზრდის ან შემცირების, ინფლაციის მაღალი დონის, სავალუტო კურსის მნიშვნელოვანი ცვლილების, საგადასახადო რეჟიმის შეცვლისა და საქართველოს სამოქალაქო კოდექსის 398-ე მუხლით გათვალისწინებულ შემთხვევებში, თუ აღნიშნული ცვლილება არ გამოიწვევს ხელშეკრულების პირობების გაუარესებას შემსყიდველი ორგანიზაციისთვის.

## **8. განსაკუთრებული პირობები**

8.1 მიმწოდებელს არა აქვს უფლება, შემსყიდველი ორგანიზაციის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

8.2 მიმწოდებელმა წერილობითი ფორმით უნდა აცნობოს შემსყიდველ ორგანიზაციას სუბ-კონტრაქტის გაფორმების, ან სუბ-კონტრაქტორის შეცვლის აუცილებლობის შესახებ და მიიღოს წერილობითი თანხმობა.

8.3. ამ ხელშეკრულების ფარგლებში გაფორმებული ყველა სუბ-კონტრაქტის ხელშეკრულება უნდა წარედგინოს შემსყიდველ ორგანიზაციას მისი დადებიდან ერთი კვირის ვადაში.

8.4. სუბ-კონტრაქტი არ ათავისუფლებს მიმწოდებელს ამ ხელშეკრულებით ნაკისრი ვალდებულებებისაგან.

## **9. ცვლილებები ხელშეკრულებაში**

9.1 ხელშეკრულებაში ცვლილებების შეტანა შესაძლებელია მხოლოდ ორივე მხარის წერილობითი თანხმობის შემთხვევაში. ამასთან, შემსყიდველი ორგანიზაცია არ არის ვალდებული მისცეს განმარტება მისი მხრიდან ხელშეკრულებაში ცვლილებების შეტანის აუცილებლობის მიზეზების თაობაზე.

9.2. ცვლილებები ხელშეკრულებაში ამ ხელშეკრულების დანართად და მის განუყოფელ ნაწილად ითვლება.

#### 10. მხარეთა პასუხისმგებლობა ხელშეკრულების პირობების დარღვევისათვის

10.1 ამ ხელშეკრულების მოქმედების პერიოდში მიმწოდებლის მხრიდან ხელშეკრულების 3.1 პუნქტით გათვალისწინებული ვადების დარღვევის შემთხვევაში მას დაეკისრება პირგასამტეხლო მიუწოდებელი საქონლის (გასაწევი მომსახურების, შეუსრულებელი სამუშაოს) ღირებულების 0.1 %-ის ოდენობით ყოველ ვადაგადაცილებულ დღეზე.

10.2. პირგასამტეხლოს გადახდა განხორციელდება მიმწოდებლისათვის ხელშეკრულებით გადასახდელი თანხიდან გამოქვითვის საშუალებით.

10.3. პირგასამტეხლოს გადახდა არ ათავისუფლებს მიმწოდებელს ამ ხელშეკრულებით ნაკისრი ვალდებულებების შესრულებისაგან.

10.4. ამ ხელშეკრულების მოქმედების პერიოდში შემსყიდველის მხრიდან ხელშეკრულების 7.1 პუნქტით გათვალისწინებული ვადების დარღვევის შემთხვევაში, მიმწოდებელი უფლებას იტოვებს მას დააკისროს პირგასამტეხლო აუნაზღაურებელი საქონლის (გაწეული მომსახურების, შესრულებელი სამუშაოს) ღირებულების 0.1 %-ის ოდენობით ყოველ ვადაგადაცილებულ დღეზე.

#### 11. ფორს-მაჟორი

11.1 მხარეები თავისუფლდებიან ამ ხელშეკრულებით ნაკისრი ვალდებულებების შესრულებისაგან ფორს-მაჟორული გარემოებების დადგომის შემთხვევაში.

11.2. ამ ხელშეკრულებისათვის ფორს-მაჟორი ნიშნავს მხარეებისათვის დაუძლეველ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველი ორგანიზაციის ან/და მიმწოდებლის შეცდომას ან დაუდევრობასთან და რომლის წინასწარ გათვალისწინება შეუძლებელია. ასეთი გარემოება შეიძლება გამოწვეულ იქნეს ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და საქართველოს კანონმდებლობით დადგენილი სხვა შემთხვევებით.

11.3. ფორს-მაჟორული გარემოების დადგომის შესახებ მხარემ, რომლისთვისაც შეუძლებელი ხდება ამ ხელშეკრულებით ნაკისრი ვალდებულებების შესრულება, დაუყოვნებლივ წერილობით უნდა აცნობოს მეორე მხარეს ასეთი გარემოებებისა და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს ერთი კვირის ვადაში, იგი თავისი შეხედულებისა და შესაძლებლობის ფარგლებში აგრძელებს ამ ხელშეკრულებით ნაკისრი ვალდებულებების შესრულებას.

#### 12. დავების გადაწყვეტის წესი

მხარეთა შორის წარმოშობილი სადაო საკითხების გადაწყვეტა ხდება ურთიერთმოლაპარაკების გზით. შეთანხმების მიუღწევლობის შემთხვევაში, საკითხის გადაწყვეტის მიზნით, მხარეებს შეუძლიათ დადგენილი წესით მიმართონ სასამართლოს.

#### 13. ხელშეკრულების შეწყვეტა

13.1. ერთ-ერთი მხარის მიერ ამ ხელშეკრულებით ნაკისრი ვალდებულებების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის თაობაზე. ამ ხელშეკრულების რომელიმე პირობის შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.2. 13.1 პუნქტით გათვალისწინებულ შემთხვევაში, გადაწყვეტილების მიმღები მხარე მეორე მხარეს უზღავნის გადაწყვეტილებას, მისი მიღების საფუძვლის მითითებით და გადაწყვეტილების ძალაში შესვლის თარიღს, გადაწყვეტილების ძალაში შესვლამდე ერთი თვით ადრე მაინც.

13.3. ამ ხელშეკრულების პირობების დარღვევის გამო ხელშეკრულების შეწყვეტა არ ათავისუფლებს მიმწოდებელს პასუხისმგებლობისაგან ხელშეკრულების შეუსრულებლობისათვის.

13.4. შემსყიდველ ორგანიზაციას შეუძლია მიიღოს გადაწყვეტილება ხელშეკრულების შეწყვეტის თაობაზე იმ შემთხვევაშიც, თუ მისთვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას ან საქართველოს კანონმდებლობით გათვალისწინებულ სხვა შემთხვევებში.

13.5. 13.4. პუნქტში გათვალისწინებულ შემთხვევაში, შემსყიდველი ორგანიზაცია ვალდებულია აუნაზღაუროს მიმწოდებელს ფაქტობრივად გაწეული მომსახურების (საქონლის) ღირებულება.

#### 14. დამატებითი პირობები

14.1. წინამდებარე ხელშეკრულება ძალაშია მისი ხელმოწერის დღიდან და მოქმედებს 2016 წლის 31 დეკემბრამდე.

14.2. ხელშეკრულება შედგენილია ქართულ ენაზე 2 პირად, აქვს თანაბარი იურიდიული ძალა და თითო მათგანი ინახება ხელმოწერ მხარეებთან.

#### მხარეთა ხელმოწერები და რეკვიზიტები

შემსყიდველი ორგანიზაცია	მიმწოდებელი
სსიპ აბრეშუმის სახელმწიფო მუზეუმი	შპს „პრინტარეა“
ს/კ 202 374 340	ს/კ 404 384 395
თბილისი, 0112, გ. ცაბაძის ქ. #6	ქ.თბილისი, ცინცაძის ქ. 41
სახელმწიფო ხაზინა	ს.ს. „ბანკი ქართუ“
200 122 900	GRTUG22
კოდი 220 101 222	GE36CR0000000012353602
აბრეშუმის სახელმწიფო მუზეუმის დირექტორი ნინო კუპრავა	შპს „პრინტარეას“ დირექტორი თინათინ სანაძე



მიღება ჩაბარების აქტი # 2/35/1

25 ნოემბერი 2016 წ.

ჩვენ, ქვემოთ ხელისმომწერი, სსიპ აბრეშუმის სახელმწიფო მუზეუმის დირექტორი ნინო კუპრავა და შპს „პრინტარეას“ დირექტორი თინათინ სანაძე ვადასტურებთ, რომ 2016 წლის 25 ნოემბრის # 2/35 ხელშეკრულების საფუძველზე აბრეშუმის სახელმწიფო მუზეუმმა მიიღო 45.00 ლარის ღირებულების ბეჭდვა და მასთან დაკავშირებული მომსახურებები.

მიმღები:

*თ. კუპრავა*

ნ.კუპრავა



ჩამბარებელი:

თ.სანაძე

